

1941 - 1945 жылдардағы Ұлы Отан соғысындағы Жеңіс күнінің 65 жылдығы құрметіне арналған мерекелік медаль туралы

Қазақстан Республикасы Президентінің 2010 жылғы 19 наурыздағы № 951 Жарлығы

1941 - 1945 жылдардағы Ұлы Отан соғысындағы Жеңіс күнінің 65 жылдығы құрметіне, соғыс ардагерлері мен тыл еңбеккерлерінің ерлігін, қаһармандығы мен қайсарлығын терең құрмет тұта отырып, **қаулы етемін:**

1. «1941 - 1945 ж.ж. Ұлы Отан соғысындағы Жеңіске 65 жыл» мерекелік медалі тағайындалсын.

2. Қоса беріліп отырған:

1) «1941 - 1945 ж.ж. Ұлы Отан соғысындағы Жеңіске 65 жыл» мерекелік медалімен наградтау ережесі (бұдан әрі – Ереже);

2) «1941 - 1945 ж.ж. Ұлы Отан соғысындағы Жеңіске 65 жыл» мерекелік медалінің сипаттамасы бекітілсін.

3. Ережеге сәйкес «1941 - 1945 ж.ж. Ұлы Отан соғысындағы Жеңіске 65 жыл» мерекелік медалімен Ұлы Отан соғысының ардагерлері, тыл еңбеккерлері және өзге де адамдар наградталсын.

4. Осы Жарлық жарияланған күнінен бастап қолданысқа енгізіледі.

Қазақстан Республикасының

Президенті

Н. Назарбаев

Қазақстан

Республикасы

Президентінің

2010 жылғы 19 наурыздағы

№ 951 Жарлығымен

бекітілген

«1941 - 1945 ж.ж. Ұлы Отан соғысындағы Жеңіске 65 жыл» мерекелік медалімен наградтау ережесі

1. Осы Ереже «1941 - 1945 ж.ж. Ұлы Отан соғысындағы Жеңіске 65 жыл» мерекелік медалімен (бұдан әрі – мерекелік медаль) наградтау тәртібін реттейді.

2. Мерекелік медальмен:

Ұлы Отан соғысы кезеңінде, сондай-ақ бұрынғы КСР Одағын қорғау жөніндегі басқа да ұрыс операциялары кезінде майдандағы армиялар мен флоттың құрамына кірген әскери бөлімдерде, штабтарда және мекемелерде қызмет өткерген әскери қызметшілер, Ұлы Отан соғысының партизандары мен астыртын қимыл жасаушылары;

Іс-қимыл жасаған армиялар мен флоттың әскери қызметшілері, Ұлы Отан соғысының партизандары мен астыртын қимыл жасаушылары, сондай-ақ Ұлы Отан

соғысы кезеңінде майданда, ұрыс әрекеттерінің ауданында, темір жолдардың соғыс маңындағы учаскелерінде, қорғаныс шептерінің құрылыстарында, әскери-теңіз базалары мен аэродромдарда алған жарақат, контузия, мертiгу немесе сырқаттану салдарынан мүгедек болған тиiстi санаттағы жұмысшылар мен қызметшiлер және зейнетақымен қамсыздандыру бойынша әскери қызметшiлерге теңестiрiлгендер;

Бұрынғы КСР Одағын қорғау кезінде алған жарақат, контузия, мертiгу салдарынан немесе майданда болуына байланысты сырқаттану салдарынан мүгедек болған әскери қызметшiлер ;

Жарақат, контузия, мертiгу салдарынан не майданда болуына байланысты сырқаттану салдарынан мүгедек болған бұрынғы КСР Одағының iшкi iстер және мемлекеттiк қауiпсiздiк органдарының басшы және қатардағы құрамының адамдары;

1944 жылғы 1 қаңтардан бастап 1951 жылғы 31 желтоқсан аралығында Украина КСР-нiң, Белорусь КСР-нiң, Литва КСР-нiң, Латвия КСР-нiң, Эстония КСР-нiң аумақтарында жойғыш батальондардың, взводтардың және халықты қорғау жасақтарының командалық жауынгерлерi мен құрамы iшiнен осы батальондарда, взводтарда, жасақтарда қызметтiк мiндеттерiн атқару кезінде алған жарақат, контузия, мертiгу салдарынан мүгедек болған адамдар ;

Ұлы Отан соғысы кезеңінде майдандағы армия бөлiмдерiнiң әскери қызметшiлерi үшiн белгiленген жеңiлдiк жағдайларында зейнетақы тағайындау үшiн қорғанысқа қатысуы 1998 жылғы 1 қаңтарға дейiн еңбек өтiлiне есептелген қалаларда қызмет өткерген бұрынғы КСР Одағының iшкi iстер және мемлекеттiк қауiпсiздiк органдарының әскери қызметшiлерi, сондай-ақ басшы және қатардағы құрамының адамдары ;

Ұлы Отан соғысы кезеңінде майдандағы армияның құрамына кiрген әскери бөлiмдерде, штабтарда, мекемелерде штаттық лауазымдарды атқарған не тиiстi кезеңде майдандағы армия бөлiмдерiнiң әскери қызметшiлерi үшiн белгiленген жеңiлдiк жағдайларында зейнетақы тағайындау үшiн қорғанысқа қатысуы 1998 жылғы 1 қаңтарға дейiн еңбек өтiлiне есептелген қалаларда болған Кеңес Армиясының, Әскери-Теңiз Флотының, бұрынғы КСР Одағының әскерлерi мен iшкi iстер және мемлекеттiк қауiпсiздiк органдарының ерiктi құрамдағы адамдары ;

Ұлы Отан соғысы кезеңінде майдандағы армияның және флоттың құрамына кiрген бөлiмдердiң, штабтар мен мекемелердiң құрамында полк балалары (тәрбиеленушiлерi) ретiнде болған жеткiншектер мен юнгалар ;

Екiншi дүниежүзiлiк соғыс жылдары шет елдердiң аумақтарында партизандық жасақтардың, астыртын топтардың және басқа да антифашистiк құралымдардың құрамында фашистiк Германияға және оның одақтастарына қарсы ұрыс әрекеттерiне қатысқан адамдар ;

Қатынас жолдары халықтық комиссариаты, Байланыс халықтық комиссариаты, кәсiпшiлiк және көлiк кемелерiнiң жүзетiн құрамы мен авиацияның ұшу-көтеру құрамы

, бұрынғы КСР Одағының балық өнеркәсібінің халықтық комиссариаты, теңіз және өзен флотының арнайы құрылымдарының Ұлы Отан соғысы кезеңінде әскери қызметшілер жағдайына ауыстырылған және ұрыстағы майдандардың, флоттардың жедел аймақтарының тылдық шекаралары шегінде майдандағы армия мен флоттың мүддесіндегі тапсырмаларды орындаған жұмысшылары, сондай-ақ Ұлы Отан соғысының басында басқа мемлекеттің порттарында тұрған көлік флоты кемелерінің тұтқындалған экипаждарының мүшелері;

Құрсау кезеңінде Ленинград қаласында қаланың кәсіпорындарында, мекемелері мен ұйымдарында жұмыс істеген және «Ленинградты қорғағаны үшін» медалімен және «Құрсаудағы Ленинград тұрғынына» белгісімен наградталған азаматтар;

Концлагерлердің, геттолардың және екінші дүниежүзілік соғыс кезеңінде фашистер мен олардың одақтастары құрған басқа да еріксіз ұстау орындарының бұрынғы кәмелетке толмаған тұтқындары;

Уақытша дұшпан басып алған аумақтарда жұмыс істеген кезеңді қоспағанда, 1941 жылғы 22 маусымнан 1945 жылғы 9 мамырды қоса алған кезеңде кемінде алты ай жұмыс істеген адамдар наградталады.

3. Мерекелік медальмен наградталатын азаматтардың тізімін жасау және бекіту мынадай тәртіппен жүргізіледі:

Тізімдер осы Ереженің 1-қосымшасына сәйкес № 1 нысан бойынша осы Ереженің 1-тармағында көрсетілген адамдардың ішінен азаматтарға;

Қазақстан Республикасы Ұлттық қауіпсіздік комитетінің, Ішкі істер министрлігінің, Қорғаныс министрлігінің, Республикалық ұланының, Президенттің Күзет қызметінің орталық аппараттары осы органдарда есепте тұрған адамдарға;

Жергілікті атқарушы органдар – тұрғылықты жері бойынша.

Тізімдерді жасауға жауапты лауазымды адамдар оларға қол қояды және орталық мемлекеттік және жергілікті атқарушы органдардың басшылары бекітеді.

Тізімдердің дұрыс жасалуы үшін жауаптылық органдардың басшыларына жүктеледі.

4. «1941 - 1945 ж.ж. Ұлы Отан соғысындағы Жеңіске 65 жыл» мерекелік медалін тапсыру Қазақстан Республикасы Президентінің атынан және тапсырмасы бойынша жүргізіледі. Медаль наградталушының тізімге енгізілген жері бойынша тапсырылады.

Наградталған адамға медальмен қоса белгіленген үлгідегі куәлік табыс етіледі.

5. «1941 - 1945 ж.ж. Ұлы Отан соғысындағы Жеңіске 65 жыл» мерекелік медалі сол жақ омырауға тағылады және «1941 - 1945 ж.ж. Ұлы Отан соғысындағы Жеңіске 60 жыл» мерекелік медалінен кейін орналасады.

6. Мерекелік медальдың табыс етілгендігі туралы наградтау тізіміне тиісті жазба жазылады.

Табыс етілмеген медальдар мен олардың куәліктері қайтарылу себептері көрсетіле отырып, Қазақстан Республикасы Президенті Іс басқармасының Ордендер қоймасына

қайтарылады, бұл туралы тізімдерге тиісті белгі қойылады.

Мерекелік медальдың табыс етілгендігі туралы мәліметтерді осы Ереженің 2-қосымшасына сәйкес № 2 нысан бойынша орталық мемлекеттік және жергілікті атқарушы органдар 2010 жылғы 1 шілдеге Қазақстан Республикасы Президентінің Іс басқармасына ұсынады.

Қ а з а қ с т а н

Р е с п у б л и к а с ы

П р е з и д е н т і н і ң

2 0 1 0

ж ы л ғ ы

1 9

н а у р ы з д а ғ ы

№ 9 5 1

Ж а р л ы ғ ы м е н

бекітілген

**«1941 - 1945 ж.ж. Ұлы Отан соғысындағы Жеңіске 65 жыл»
мерекелік медальдің сипаттамасы**

«1941 - 1945 ж.ж. Ұлы Отан соғысындағы Жеңіске 65 жыл» мерекелік медалі жезден дайындалады, диаметрі 32 мм. шеңбер нысанында болады. Медальдың бет жағында І дәрежелі Даңқ орденінің бейнесі, жұлдыздың төменгі сәулелерінің арасында «1945 - 2010» цифрлары орналасқан.

Медальдың сырт жағында, ортада «1941 - 1945 ж.ж. Ұлы Отан соғысындағы Жеңіске 65 жыл» деген жазу бар.

Медальдың шеттері ернеумен жиектелген. Медальдағы барлық бейнелер, жазулар мен цифрлар бедерлі.

Медаль құлақша мен шығыршық арқылы қызыл түсті қатқыл жібек лентамен тысталған бес бұрышты тағанға жалғанады.

Лентаның ені 24 мм. Лентаның ортасында бес жолақ бар: үш қара және екі қызғылт сары түсті, әрқайсысының ені 2 мм. Шеткі қара жолақтары ені 1 мм. қызғылт сары жолақтармен жиектелген.

Медаль киімге түйреуіш арқылы бекітіледі.